

Санхүүгийн зохицуулах хорооны 2019 оны 01 дүгээр сарын
09-ний өдрийн 02 дугаар тогтоолоор баталсан
“Даатгалын багц дүрэм”-ийн дөрөвдүгээр хавсралт

ДААТГАЛЫН НӨӨЦ САНД БОЛОН АЛБАН ЖУРМЫН ДААТГАЛЫН САНД ТӨВЛӨРҮҮЛЭХ ХӨРӨНГИЙН ХЭМЖЭЭ, ТҮҮНИЙГ ХӨРӨНГӨ ОРУУЛАЛТАД БАЙРШУУЛАХАД ТАВИГДАХ НӨХЦӨЛ, ШААРДЛАГА

Нэг. Нийтлэг үндэслэл

1.1. Энэ журмын зорилго нь даатгагч даатгалын нөөц санг болон албан журмын даатгалын санг хөрөнгө оруулалтад байршуулахад тавигдах нөхцөл, шаардлага, түүнд хяналт тавихтай холбоотой харилцааг зохицуулахад оршино.

1.2. Ердийн даатгагч даатгалын нөөц **сангийн хөрөнгө оруулалтад байршуулах дүнг Орлогод тооцоогүй хураамжийн нөөц**, Учирч болзошгүй хохирлын нөөц сан, Учирсан боловч мэдэгдээгүй хохирлын нөөц сан, Мэдсэн боловч төлөөгүй хохирлын нөөц сан, Тусгай нөөц сан тус бүрийн санхүүгийн байдлын тайлангийн харгалзах дүнгүүдийн нийлбэрээс даатгалын нөөц сан тус бүр дэх давхар даатгагчид ногдох хэсгийг хассан дүнгээр тодорхойлно.

[/Энэ заалтад СЗХ-ны 2021 оны 64 дүгээр тогтоолоор нэмэлт оруулсан./](#)

1.3. Урт хугацааны даатгагч даатгалын нөөц **сангийн хөрөнгө оруулалтад байршуулах дүнг Орлогод тооцоогүй хураамжийн нөөц**, Учирч болзошгүй хохирлын нөөц сан, Учирсан боловч мэдэгдээгүй хохирлын нөөц сан, Мэдсэн боловч төлөөгүй хохирлын нөөц сан, Хөрөнгө оруулалтын хураамжийн нөөц сан тус бүрийн санхүүгийн байдлын тайлангийн харгалзах дүнгүүдийн нийлбэрээс нөөц сан тус бүр дэх давхар даатгагчид ногдох хэсгийг хассан дүнгээр тодорхойлно.

1.4. Давхар даатгагч даатгалын нөөц **сангийн хөрөнгө оруулалтад байршуулах дүнг Орлогод тооцоогүй хураамжийн нөөц**, Учирч болзошгүй хохирлын нөөц сан, Учирсан боловч мэдэгдээгүй хохирлын нөөц сан, Мэдсэн боловч төлөөгүй хохирлын нөөц сан тус бүрийн санхүүгийн байдлын тайлангийн харгалзах дүнгүүдийн нийлбэрээс нөөц сан тус бүр дэх ретро давхар даатгагчид ногдох хэсгийг хассан дүнгээр тодорхойлно.

[/Энэ хэсгийг СЗХ-ны 2023 оны 741 дүгээр тогтоолоор нэмсэн./](#)

Хоёр. Даатгалын нөөц санг хөрөнгө оруулалтад байршуулахад тавигдах нөхцөл, шаардлага

2.1. Даатгагч нь төлөөлөн удирдах зөвлөл (цаашид “ТУЗ” гэх) эсвэл хувьцаа эзэмшигч/хувьцаа эзэмшигчдийн хурлаар баталсан даатгалын нөөц санг хөрөнгө оруулалтад байршуулах төлөвлөгөөтэй байх бөгөөд уг төлөвлөгөө нь дараах шаардлагыг хангасан байна:

2.1.1. Даатгагч **энэ журмын 1.2, 1.3, 1.4-т дурдсан Орлогод тооцоогүй хураамжийн нөөцөөс бусад** нөөц санг хөрөнгө оруулалтад байршуулахдаа дараах хөрөнгийн ангилал, хөрөнгө оруулах дээд хувьд нийцүүлсэн байна:

[/Энэ заалтыг СЗХ-ны 2023 оны 741 дүгээр тогтоолоор өөрчлөн найруулсан./](#)

Хөрөнгийн ангилал	Хөрөнгө оруулах дээд хувь
Баганын дүн	1

2.1.1.а.Банкны хадгаламж (Банкны тухай хуулийн 16 дугаар зүйлийн 16.1.2-д заасан шаардлагыг хангасан банканд байршуулсан) /Энэ заалтад СЗХ-ны 2021 оны 64 дүгээр тогтоолоор нэмэлт оруулсан./		100%
2.1.1.б.Банкны хадгаламжийн сертификат (Банкны тухай хуулийн 16 дугаар зүйлийн 16.1.2-д заасан шаардлагыг хангасан банканд байршуулсан) /Энэ заалтад СЗХ-ны 2021 оны 64 дүгээр тогтоолоор нэмэлт оруулсан./		80%
2.1.1.в.Засгийн газрын өрийн хэрэгсэл		100%
2.1.1.г.Төв банкны үнэт цаас		60%
2.1.1.д.Санхүүгийн түрээс (Санхүүгийн түрээс /лизинг/-ийн тухай хуулийн 3.1, 3.2-т заасан) /Энэ заалтад СЗХ-ны 2023 оны 741 дүгээр тогтоолоор нэмэлт оруулсан./		10%
2.1.1.е.Хөрөнгөөр баталгаажсан үнэт цаас (Хөрөнгөөр баталгаажсан үнэт цаасны тухай хуулийн 4 дүгээр зүйлд заасан үнэт цаас) /Энэ заалтад СЗХ-ны 2023 оны 741 дүгээр тогтоолоор нэмэлт оруулсан./		60%
2.1.1.ж.Хөрөнгө оруулалтын сан (Хөрөнгө оруулалтын сангийн тухай хуулийн 6.2.1-д заасан) /Энэ заалтад СЗХ-ны 2023 оны 741 дүгээр тогтоолоор нэмэлт оруулсан./		20%
2.1.1.з.Аймаг нийслэлийн гаргасан өрийн хэрэгсэл		60%
2.1.1.и.Компанийн өрийн хэрэгсэл (Үнэт цаасны зах зээлд арилжаалагддаг, Үнэт цаасны зах зээлийн тухай хуулийн 4.1.9-т заасан) /Энэ заалтад СЗХ-ны 2021 оны 64 дүгээр тогтоолоор нэмэлт оруулсан./		30% /Энэ заалтад СЗХ-ны 2021 оны 64 дүгээр тогтоолоор өөрчлөлт оруулсан./
2.1.1.к.МХБ-ийн хувьцаат компанийн хувьцаа	I ангилал	20% /Энэ заалтад СЗХ-ны 2021 оны 64 дүгээр тогтоолоор өөрчлөлт оруулсан./
	II ангилал	5%
2.1.1.л.Тухайн даатгалын компанийн холбогдох этгээдэд үл хамаарах банк бус санхүүгийн байгууллагад итгэлцлээр байршуулах мөнгөн хөрөнгө (Банк бус санхүүгийн үйл ажиллагааны тухай хуулийн 13 дугаар зүйлийн 13.4 дэх хэсгийг хангасан банк бус санхүүгийн байгууллагад байршуулсан мөнгөн хөрөнгө) /Энэ заалтад СЗХ-ны 2021 оны 64 дүгээр тогтоолоор нэмэлт оруулсан./		20%
2.1.1.м.Хуримтлал барьцаалсан зээл /Зөвхөн урт хугацааны даатгагчид хамаарна/		30%

Тайлбар: Хөрөнгө оруулах дээд хэмжээг тооцохдоо даатгалын нөөц сангийн дүнг харгалзах хөрөнгө байршуулах дээд хувиар үржүүлж тодорхойлно.

2.1.2.Даатгагч даатгалын нөөц сангаас энэ журмын 2.1.1-д заасны дагуу хөрөнгө оруулалтад байршуулахаас гадна банкны харилцах, хадгаламж /Үүнд: Хугацаагүй хадгаламж болон 3 сараас доош хугацаатай хадгаламж орно/, бэлэн мөнгө хэлбэрээр

байршуулж болох бөгөөд бэлэн мөнгөнд даатгалын нөөц сангийн 2 хүртэл хувиар байршуулна.

2.1.3. Дараах эрсдэлүүдийг тооцоолж, хэрхэн удирдах бодлого, стратегийг тусгасан байна:

2.1.3.а. Үнэт цаас гаргагч, зээлдэгч, зуучлагч, даатгуулагч, давхар даатгагч болон баталгаа гаргагч зэрэг гуравдагч тал буюу харилцагчид төлбөрийн чадваргүй болох, гэрээний хариуцлагаа биелүүлэх боломжгүй болсны улмаас даатгагчид учирч болох эрсдэл буюу “Зээлийн эрсдэл”;

2.1.3.б. Зах зээлийн үнэ ба түвшинд өөрчлөлт орсноос үүдэн санхүүгийн хэрэглүүрийн бодит үнэ цэнэ болон ирээдүйн мөнгөн гүйлгээ хэлбэлзэх эрсдэл буюу “Ханш ба үнийн эрсдэл”. Үүнд хүүгийн түвшний эрсдэл, валютын ханшийн эрсдэл болон бусад үнийн эрсдэл хамаарна;

2.1.3.в. Даатгалын бүтээгдэхүүний загвар ба үнэ тогтоолтын эрсдэл болон андеррайтинг ба хариуцлагын эрсдэл буюу “Даатгалын эрсдэл”. Даатгалын бүтээгдэхүүний загвар ба үнэ тогтоолтын эрсдэл нь даатгалын үнэ тогтооход таамаглаж байсан хүлээлтээс даатгалын өртөг зардал, хариуцлага хэтрэх тохиолдол зэрэг даатгалын үйл ажиллагааны улмаас даатгагч санхүүгийн хохирол үүсэхэд бий болдог. Андеррайтинг ба хариуцлагын эрсдэл нь даатгагчийн эрсдэлийг сонгох, хүлээж авах, бууруулах, авч үлдэх, шилжүүлэх болон даатгалын бүтээгдэхүүний удирдлагатай холбоотойгоор даатгагчид санхүүгийн хохирол учрах эрсдэл юм;

2.1.3.г. Бизнесийн үйл ажиллагааны зохион байгуулалт болон байгууллагын чиг үүргээс шалтгаалан бий болох эрсдэл буюу “Үйл ажиллагааны эрсдэл”. Үүнд дотоод хяналтын үйл ажиллагааны дутагдал, технологийн уналт, хувь хүн, ажилтнуудын алдаа болон үндэсний хэмжээний гамшиг сүйрэл хамаарна;

2.1.3.д. Даатгагч Даатгалын тухай хуулийн 2.1-д заасан даатгалын тухай хууль тогтоомжийг мөрдөөгүйн улмаас үүдэн гарах эрсдэл буюу “Хууль, зохицуулалтын хүрээний эрсдэл”;

2.1.3.е. Даатгагчийн бизнес төлөвлөгөө, стратеги төлөвлөгөө, шийдвэр гаргалт, нөөцийн хуваарилалтыг тохиромжтой байдлаар хэрэгжүүлээгүй болон бизнесийн орчинд гарсан өөрчлөлтөд дасан зохицох боломжгүй болсон тохиолдолд үүсэх эрсдэл буюу “Стратегийн эрсдэл”;

2.1.3.ж. Компанийн нэгдэлд багтах компаниуд төлбөрийн чадваргүй болох, даатгагчтай хийгдсэн гүйлгээнүүд нь төлөгдөх боломжгүй болсноос үүдэн гарах эрсдэл буюу “Холбоотой талуудын эрсдэл”.

2.1.4. Даатгалын нөөц санг хөрөнгө оруулалтад байршуулах төлөвлөгөөг үнэлэх, хянах, тайлагнах зохицуулалтыг тусгасан байна.

2.1.5. Даатгалын нөөц санг хөрөнгө оруулалтад байршуулахад Даатгалын тухай хуулийн 27 дугаар зүйлд заасан хязгаарлалтыг харгалзахаас гадна дараах этгээдээс бусад этгээдэд хөрөнгө оруулалт байршуулж болно:

2.1.5.а. даатгалын тухай хуулийн 4.1.12-т заасан холбогдох этгээд;

2.1.5.б. барьцаа хөрөнгийн зах зээлийн үнэлгээ нь зээлийн үндсэн өр болон хүүгийн төлбөрийг барагдуулахад хүрэлцэхгүй байгаа иргэн, хуулийн этгээд;

2.1.5.в. холбогдох этгээдтэй хэрэг, маргаан үүссэний улмаас эрх бүхий байгууллагаар хянагдаж, шалгагдаж байгаа этгээд;

2.1.5.г. даатгагч өөрөө холбогдох этгээд гэж үзсэн бусад этгээд.

2.2. Даатгагч нь энэ журмын 2.1-д заасан шаардлагыг хангасан даатгалын нөөц санг хөрөнгө оруулалтад байршуулах төлөвлөгөөгөө жил бүрийн 12 дугаар сарын 15-ны өдрийн дотор Хороонд ирүүлнэ.

2.3. Даатгагч нь Хороонд ирүүлсэн даатгалын нөөц санг хөрөнгө оруулалтад байршуулах төлөвлөгөөний дагуу үйл ажиллагаа явуулах бөгөөд уг төлөвлөгөөнд нэмэлт, өөрчлөлт оруулах зайлшгүй шаардлага гарсан тохиолдолд энэ тухай хүсэлтээ Хороонд бичгээр

мэдэгдэж, шинэчилсэн төлөвлөгөөг энэ журмын 2.1-д заасан эрх бүхий этгээд баталснаас хойш ажлын 5 хоногийн дотор Хороонд ирүүлнэ.

2.4.Энэ журмын 2.1-д заасны дагуу даатгалын нөөц санг хөрөнгө оруулалтад байршуулах төлөвлөгөөг баталсан этгээд нь даатгалын холбогдох хууль, журмын биелэлт болон уг төлөвлөгөөний гүйцэтгэл, эрсдэлийн удирдлага, мэдээлэл, дотоод хяналт, нягтлан бодох бүртгэл болон хөндлөнгийн аудитын үйл ажиллагаанд тогтмол хяналт тавьж ажиллана.

2.5.Даатгагч орлогод тооцоогүй хураамжийн нөөцийг бэлэн мөнгө, банкны харилцах, хадгаламж, хадгаламжийн сертификат болон даатгалын хураамжийн авлага хэлбэрээр байршуулж болох бөгөөд бэлэн мөнгөнд уг нөөцийн 2 хүртэл хувиар байршуулна.

2.6.Давхар даатгагч Алдагдлаас хамгаалах сангийн 1/3 хэсгийг Монголбанкнаас тусгай зөвшөөрөл авсан, Даатгалын тухай хуулийн 4.1.12-т заасан холбогдох этгээдэд хамаарах банкнаас бусад банкинд байршуулах бөгөөд нэг банкинд байршуулах мөнгөн хөрөнгийн дээд хязгаар нь дээрх мөнгөн дүнгийн 25 хувиас хэтрэхгүй байна.

2.7.Давхар даатгагч энэ журмын 2.6-д заасан Алдагдлаас хамгаалах сангийн үлдэх 2/3 хэсгийг дор дурдсан хувь хэмжээгээр хөрөнгө оруулалтад байршуулж болно:

2.7.1.Банкны хадгаламж: 100 хүртэл хувь (нэг банкинд 20 хүртэл хувь);

2.7.2.Банкны харилцах дансанд байршуулах: 100 хүртэл хувь (нэг банкинд 20 хүртэл хувь);

2.7.3.Засгийн газрын өрийн бичиг: 100 хүртэл хувь;

2.7.4.Төв банкны үнэт цаас: 60 хүртэл хувь;

2.7.5.Орон нутгийн засаг захиргааны бонд: 20 хүртэл хувь;

2.7.6.Үл хөдлөх хөрөнгөөр барьцаалсан үнэт цаас 20 хүртэл хувь;

2.7.7.Банкны хадгаламжийн сертификат: 10 хүртэл хувь;

2.7.8.Компанийн бонд: 10 хүртэл хувь (нэг компанид 5 хүртэл хувь);

2.7.9.Санхүүгийн болон үйл ажиллагааны лизинг: 5 хүртэл хувь;

2.7.10.Даатгалын тухайн хуулийн 4.1.12-т заасан “холбогдох этгээд”-ээс бусад этгээдэд үл хөдлөх хөрөнгө барьцаалсан арилжааны богино хугацаат (нэг жил хүртэл) зээл 5 хүртэл хувь;

2.7.11.Үл хөдлөх хөрөнгө: 10 хүртэл хувь (үндсэн үйл ажиллагаа явуулдаг ажлын байрнаас бусад).

2.8.Давхар даатгагч энэ журмын 2.7.11-д заасны дагуу үл хөдлөх хөрөнгөнд хөрөнгө оруулсан нөхцөлд хөрөнгийн үнэлгээг Хөрөнгийн үнэлгээний тухай хуулийн дагуу хийлгэсэн байна.

Гурав. Хяналт, хариуцлага

3.1.Даатгагч нь дараах тайлан, мэдээллийг заасан хугацаанд Хороонд ирүүлнэ. Үүнд:

3.1.1.Энэ журмын 2.1.1-д заасан нөөц сангийн хөрөнгийн байршлын тайланг энэ журмын 1 дүгээр хавсралтын дагуу санхүүгийн тайлангийн хамт улирал бүр;

3.1.2.Орлогод тооцоогүй хураамжийн нөөцийн байршлын тайланг энэ журмын 2 дугаар хавсралтын дагуу санхүүгийн тайлангийн хамт улирал бүр;

3.1.3.Давхар даатгагч нь Алдагдлаас хамгаалах сангийн хөрөнгийн байршлын тайланг энэ журмын 3 дугаар хавсралтын дагуу санхүүгийн тайлангийн хамт улирал бүр;

3.1.4.Урт хугацааны даатгагч нь Даатгалын багц дүрмийн гуравдугаар хавсралт “Даатгалын нөөц сан, албан журмын даатгалын сан, бусад санг бүрдүүлэх, хуваарилах, түүнд хяналт тавих журам”-д заасан “Даатгуулагчийн хөрөнгө оруулалтын сан”-гийн хөрөнгийн байршлын тайланг энэ журмын 4 дүгээр хавсралтын дагуу санхүүгийн тайлангийн хамт улирал бүр.

3.2. Даатгагчаас ирүүлсэн даатгалын нөөц санг хөрөнгө оруулалтад байршуулах төлөвлөгөө, энэ журмын 3.1-д заасан тайлантай холбогдуулан шаардлагатай гэж үзвэл Хороо нэмэлт мэдээлэл, материал шаардаж болно.

3.3. Хороо энэ журмын хэрэгжилтэд хяналт тавих бөгөөд зөрчсөн этгээдэд Даатгалын тухай хууль болон холбогдох бусад хууль тогтоомжийн дагуу хариуцлага хүлээлгэнэ.

--oOo--

“Даатгалын нөөц санд болон албан журмын даатгалын санд төвлөрүүлэх хөрөнгийн хэмжээ, түүнийг хөрөнгө оруулалтад байршуулахад тавигдах нөхцөл, шаардлага”-ын
1 дүгээр хавсралт

МАЯГТСЗХ04152. ДААТГАЛЫН НӨӨЦ САНГ ХӨРӨНГӨ ОРУУЛАЛТАД БАЙРШУУЛСАН ТАЙЛАН

Даатгагчийн нэр.....

20...оны ... сарын ...-ны өдөр
(төгрөгөөр)

	Үзүүлэлт	Мөр/ дугаар	Мөнгө, түүнтэй адилтгах хөрөнгө	Хөрөнгө оруулалт	Дүн	Эзлэх хувь
А	Б	В	1	2	3	4
1	Бэлэн мөнгө	1				
2	Банкны харилцах (=мөр(3+4+5))	2				
2.1банк (дансны дугаар, валют)	3				
3	Банкны хугацаагүй хадгаламж (=мөр(7+8))	4				
3.1банк (дансны дугаар, валют)	5				
4	Банкны хугацаатай хадгаламж (=мөр(10+11))	6				
4.1банк (дансны дугаар, валют)	7				
5	Банкны хадгаламжийн сертификат (мөр12=мөр(13+14+15))	8				
5.1банк (дансны дугаар, валют)	9				
6	Үнэт цаас (мөр16=мөр(17+18+...25))	10				
6.1	Засгийн газрын өрийн хэрэгсэл	11				
6.2	Төв банкны үнэт цаас	12				
6.3	Хөрөнгөөр баталгаажсан үнэт цаас	13				
6.4	Аймаг, нийслэлийн засаг даргын гаргасан өрийн хэрэгсэл	14				
6.5	Компанийн бонд	15				
6.6	ХБ-ийн I ангиллын хувьцаа	16				
6.7	ХБ-ийн II ангиллын хувьцаа	17				
6.8	Хөрөнгө оруулалтын сан	18				
7	Санхүүгийн түрээс	19				
8	Банк бус санхүүгийн байгууллагад итгэлцлээр байршуулах мөнгөн хөрөнгө	20				
8.1 ББСБ	21				
9	Хуримтлал барьцаалсан зээл	22				
10	НИЙТ ДҮН (=мөр(1+2+4+6+8+10+19+20+22))	23				100%

ТАЙЛАН ГАРГАСАН:
(албан тушаал) (гарын үсэг) (овог нэр)

тамга тэмдэг

ТАЙЛАН ГАРГАСАН ХУГАЦАА: 20...оны...сарын... өдөр

Санхүүгийн зохицуулах хорооны 2024 оны ... дугаар сарын
...-ны өдрийн ... дүгээр тогтоолын дөрөвдүгээр хавсралт

“Даатгалын нөөц санд болон албан журмын даатгалын
санд төвлөрүүлэх хөрөнгийн хэмжээ, түүнийг хөрөнгө оруулалтад
байршуулахад тавигдах нөхцөл, шаардлага”-ын
2 дугаар хавсралт

**МАЯГТ СЗХ04148. ОРЛОГОД ТООЦООГҮЙ ХУРААМЖИЙН НӨӨЦИЙН
ХӨРӨНГИЙН БАЙРШЛЫН ТАЙЛАН**

Даатгагчийн нэр.....

20...оны ... сарын ...-ны өдөр

(төгрөгөөр)

	Үзүүлэлт	Мөрийн дугаар	Мөнгө, түүнтэй адилтгах хөрөнгө	Хөрөнгө оруулалт	Дүн	Эзлэх хувь
А	Б	В	1	2	3	4
1	Бэлэн мөнгө	1				
2	Банкны харилцах (=мөр(3+4+5))	2				
2.1банк (дансны дугаар, валют)	3				
2.2банк (дансны дугаар, валют)	4				
2.3банк (дансны дугаар, валют)	5				
3	Банкны хугацаагүй хадгаламж (=мөр(7+8))	6				
3.1банк (дансны дугаар, валют)	7				
3.2банк (дансны дугаар, валют)	8				
4	Банкны хугацаатай хадгаламж (=мөр(10+11))	9				
4.1банк (дансны дугаар, валют)	10				
4.2банк (дансны дугаар, валют)	11				
5	Банкны хадгаламжийн сертификат (мөр12=мөр(13+14+15))	12				
5.1банк (дансны дугаар, валют)	13				
5.2банк (дансны дугаар, валют)	14				
5.3банк (дансны дугаар, валют)	15				
6	Даатгалын хураамжийн авлага	16				
7	НИЙТ ДҮН (=мөр(1+2+6+9+12+16))	17				100%

ТАЙЛАН ГАРГАСАН:
(албан тушаал) (гарын үсэг) (овог нэр)

тамга тэмдэг

ТАЙЛАН ГАРГАСАН ХУГАЦАА: 20...оны...сарын... өдөр

Санхүүгийн зохицуулах хорооны 2024 оны ... дугаар сарын
...-ны өдрийн ... дүгээр тогтоолын тавдугаар хавсралт

“Даатгалын нөөц санд болон албан журмын даатгалын
санд төвлөрүүлэх хөрөнгийн хэмжээ, түүнийг хөрөнгө оруулалтад
байршуулахад тавигдах нөхцөл, шаардлага”-ын
3 дугаар хавсралт

**МАЯГТ СЗХ04151. АЛДАГДЛААС ХАМГААЛАХ САНГИЙН ХӨРӨНГИЙН
БАЙРШЛЫН ТАЙЛАН**

Даатгагчийн нэр.....

20...оны ... сарын ...-ны өдөр
(төгрөгөөр)

№	Зүйл	Хөрөнгийн хэмжээ	Хувь
1	ЗААВАЛ БАЙРШУУЛАХ НӨӨЦ (Алдагдлаас хамгаалах сангийн 1/3)		
1.1	“..... банк”		
...	“..... банк”		
2	ХӨРӨНГӨ ОРУУЛАЛТ ХИЙЖ БОЛОХ МӨНГӨН ХӨРӨНГӨ (Алдагдлаас хамгаалах сангийн 2/3)		
2.1	Банкны хадгаламж		
2.1.1	“..... банк”		
...	“..... банк”		
2.2	Банкны харилцах дансанд байршуулах		
2.2.1	“..... банк”		
...	“..... банк”		
2.3	Засгийн газрын өрийн бичиг		
2.4	Төв банкны үнэт цаас		
2.5	Орон нутгийн засаг захиргааны бонд		
2.6	Үл хөдлөх хөрөнгөөр барьцаалсан үнэт цаас		
2.7	Банкны хадгаламжийн сертификат		
2.8	Компанийн бонд		
2.8.1	“..... ” ХК, ХХК		
...	“..... ” ХК, ХХК		
2.9	Санхүүгийн болон үйл ажиллагааны лизинг		
2.10	Үл хөдлөх хөрөнгө барьцаалсан арилжааны богино хугацаат (нэг жил хүртэл) зээл		
2.11	Үл хөдлөх хөрөнгө (Үндсэн үйл ажиллагаа явуулдаг ажлын байрнаас бусад)		
3	ДҮН		

ТАЙЛАН ГАРГАСАН:
(албан тушаал) (гарын үсэг) (овог нэр)

тамга тэмдэг

ТАЙЛАН ГАРГАСАН ХУГАЦАА: 20...оны...сарын... өдөр

Санхүүгийн зохицуулах хорооны 2024 оны ... дугаар сарын
...-ны өдрийн ... дүгээр тогтоолын зургаадугаар хавсралт

“Даатгалын нөөц санд болон албан журмын даатгалын
санд төвлөрүүлэх хөрөнгийн хэмжээ, түүнийг хөрөнгө оруулалтад
байршуулахад тавигдах нөхцөл, шаардлага”-ын
4 дүгээр хавсралт

**МАЯГТСЗХ04150. ДААТГУУЛАГЧИЙН ХӨРӨНГӨ ОРУУЛАЛТЫН САНГИЙН
ХӨРӨНГИЙН БАЙРШЛЫН ТАЙЛАН**

Даатгагчийн нэр.....

20...оны ... сарын ...-ны өдөр
(төгрөгөөр)

	Үзүүлэлт	Дүн	Эзлэх хувь
А	Б	1	2
1	Банкны хугацаатай хадгаламж		
1.1банк (дансны дугаар, валют)		
2	Банкны хадгаламжийн сертификат		
2.1банк (дансны дугаар, валют)		
3	Үнэт цаас		
3.1	Засгийн газрын өрийн хэрэгсэл		
3.2	Хөрөнгөөр баталгаажсан үнэт цаас		
3.3	Аймаг, нийслэлийн гаргасан өрийн хэрэгсэл		
3.4	Компанийн өрийн хэрэгсэл		
3.5	ХБ-ийн I ангиллын хувьцаа		
3.6	ХБ-ийн II ангиллын хувьцаа		
3.7	Хөрөнгө оруулалтын сан		
3.8	Бусад үнэт цаас		
3.8.1 үнэт цаасны нэр (үнэт цаас гаргагч, улс, валют)		
4	Банк бус санхүүгийн байгууллагад итгэлцлээр байршуулах мөнгөн хөрөнгө		
4.1 ББСБ		
5	Хуримтлал барьцаалсан зээл		
6	НИЙТ ДҮН		100%

ТАЙЛАН ГАРГАСАН:
(албан тушаал) (гарын үсэг) (овог нэр)

тамга тэмдэг

ТАЙЛАН ГАРГАСАН ХУГАЦАА: 20...оны...сарын... өдөр